

# 感恩縣志卷之九

經政志

釋奠考

釋奠考

漢高帝過魯以太牢祀孔子詔諸侯王卿相至郡先謁廟而後從政平帝元年初追謚孔子曰褒成宣尼公安帝延元二年祀孔子及七十二弟子於闕里 魏正始七年令太常釋奠祀孔子於辟雍以顏淵配漢以來釋奠之禮始此前此祀孔子者皆於闕里至是始行於太學） 南宋文帝採晉故事從裴松之議舜八佾設軒縣之樂 北魏文成帝詔宣尼廟別勅有司行薦享禮 隋制國子學每年四仲月上下釋奠於先聖先師州縣學則以春秋仲月釋奠唐高祖武德二年詔國子學立周公孔子廟各一四時致祭太宗貞觀二年左僕射房元齡等議庠序置奠本緣孔子故晉宋梁陳及隋皆以孔子爲先聖顏淵爲先師請停周公升孔子爲先聖以顏淵爲配從之貞觀二十年詔皇太子入國學釋奠於先聖先師皇太子爲初獻國子祭酒爲亞獻博士爲終獻縣學令爲初獻丞爲亞獻博士主簿爲終獻又詔以左邱明卜子夏公羊高穀梁赤伏勝高堂生戴聖毛萇孔安國劉向鄭衆杜子春馬融盧植鄭康成服虔何休王肅王弼杜預范

感恩縣志

卷九

經政

釋奠考

一

海口海南書局承印

甯賈逵二十二人代用其書垂於國胄並令配享尼父廟高宗乾封元年追贈孔子爲太師總章元年贈顏回太子少師曾參太子少保並配享孔子廟開元二十七年追謚孔子爲文宣王顏子爲兗國公閔損等九人爲侯曾參等爲伯 宋太祖建隆三年詔廟門十六戟眞宗咸平中追謚孔子爲元聖文宣王尋以犯祖諱改爲至聖封聖父爲齊國公祀啓聖祠神宗元豐七年以孟子同顏子配享荀況楊雄韓愈並從祀徽宗崇寧四年從司業蔣靜請文宣王用冕十二旒服九章大觀二年以子思從祀四年詔文宣王執鎮圭並用王者制廟門用戟二十四理宗淳祐九年加周惇頤張載程顥程頤封爵與朱熹並從祀景定二年加張栻呂祖謙伯爵從祀度宗咸淳三年以顏回曾參孔伋孟軻並配孔子升顥孫師於十哲以邵雍司馬光從祀 元成宗大德十二年加孔子號爲大成至聖文宣王加聖父齊國公爲啓聖王仁宗皇慶二年以許衡從祀文宗至順元年加封顏回爲兗國復聖公曾參鄒國宗聖公孔伋沂國述聖公孟軻鄒國亞聖公加程顥豫國公程頤洛國公又加孔子父母封爵始以董仲舒從祀明洪武三年禮部更定釋奠孔子祭器禮物正位犢一羊一豕一籩豆各十登一鉶一簋簋各二酒尊三爵三初孔子之祀像設高座而器物陳於座下弗稱其儀其來已久至是定擬名爲高案其籩豆簋簋悉

代以磁器詔孔子封爵仍舊每歲二丁遣官祭於國學每月朔望遣內臣進香朔日則祭酒行釋菜禮四年令進士釋褐詣國學行釋菜禮十五年詔天下儒學通祀孔子頒釋奠禮二十六年頒大成樂器於天下府學令州縣如式製造二十九年黜楊雄從祀進漢董仲舒後凡遇登極皆遣官祭告闕里永樂八年正文廟聖賢繪塑衣冠令合古制十九年北京國子監既定其南監二祭命祭酒行禮稱皇帝謹遣宣德三年刊定從祀各爵位次頒行天下正統二年以宋胡安國蔡沈真德秀從祀三年禁釋老宮不得祀孔子以顏路曾點孔鯉孟孫激配享啓聖祠俱封公八年追封元吳澄爲臨川郡公從祀成化二年封漢董仲舒爲廣川伯胡安國建寧伯蔡沈崇安伯真德秀浦城伯宏治九年封宋楊時爲將樂伯從祀嘉靖九年允輔臣張璁議去封號易像以木主題曰至聖先師孔子神位啓聖王爲啓聖公改大成殿爲先師廟殿門爲廟門四配稱復聖顏子宗聖曾子述聖子思子亞聖孟子神位十哲以下及門弟子皆稱先賢左氏以下稱先儒去塑像設木主罷公侯伯諸封爵申黨即申根止存棖祀其公伯寮秦冉顏何荀况戴聖劉向賈逵馬融何休王肅王弼杜預十二人俱罷祀林放蘧瑗鄭衆盧植服虔范甯鄭康成吳澄改祀於鄉增祀者五人后蒼王通胡瑗陸九淵歐陽修改至聖先師孔子廟爲文

## 感恩縣志

### 卷九

經政

釋奠考

二

海口海南書局承印

廟凡籩豆樂舞之數皆更登焉其內臣進香亦罷隆慶五年以薛瑄從祀萬歷初以羅從彥從祀十二年以王守仁陳獻章胡居仁從祀二十三年以宋周惇頤父輔成從祀啓聖祠左學宮左祀啓聖公叔梁紇以先賢顏無繇曾點孔鯉孟孫激配以宋儒周輔成程珦朱松蔡元定從祀古未有專祀自嘉靖始從輔臣張璁等議也清朝康熙五十一年以朱燾升配十哲五十五年以范仲淹從祀雍正元年改啓聖祠爲崇聖祠追王五代加文廟祭品太牢一籩豆各一

詔各學建忠義孝弟祠仍建節孝祠於學宮門外二年復以林放蘧瑗秦冉顏何鄭康成范甯從祀增縣廩牧皮樂正子公都子萬章公孫丑諸葛亮尹焞魏了翁黃幹陳淳何基王柏趙復金履祥許謙陳澹羅欽順蔡清陸隴其從祀以張廸從祀崇聖祠三年頒文廟禮圖籍（詳見祀典）五年

諭直省內外先師誕日齋戒乾隆二年升有若於東哲移朱子於西哲末復以吳澄從祀六年頒先賢先儒從祀位次均照國子監成式道光二年以劉宗周從祀三年以湯斌從祀五年以黃道周從祀六年以呂坤陸贄從祀八年以孫奇逢從祀二十三年以文天祥從祀二十九年以

謝良佐從祀咸豐元年以李綱陸秀夫從祀二年以韓琦從祀三年以公明儀從祀七年以公孫僑從祀十年以曹端從祀同治二年以毛亨方孝孺呂柟從祀六年以袁燮從祀十一年以張履祥從祀光緒元年以陸世儀從祀二年以許慎從祀三年以劉德從祀四年以張伯行從祀十年以呂大臨從祀十八年以游酢從祀三十四年以顧炎武王夫之黃宗羲從祀先賢先儒從祀位次

大成殿正中南向

至聖先師孔子神位

東配西向

復聖顏子名回字子淵魯人少孔子三十歲

述聖子思子名伋伯魚之子孔子之孫受業於曾子

西配東向

宗聖曾子名參字子輿南武城人（曲阜碑作魯人）年十六受業於孔子少孔子四十六歲

亞聖孟子名軻字子輿（漢書注云字子車）鄒人受業子思之門人（索隱人爲衍字趙氏註

## 感恩縣志

### 卷九

經政

釋奠考

三

海口海南書局承印

等書皆云受業子思）

東哲西向先賢六位

閔子名損字子騫魯人少孔子十五歲

冉子名雍字仲弓魯人伯牛之宗族少孔子二十九歲

端木名賜字子貢衛人少孔子三十一歲

仲子名由字子路一字季路卞人少孔子九歲

卜子名商字子夏衛人少孔子四十四歲

有子名若字子有魯人少孔子十三歲

西哲東向先賢六位

冉子名耕字伯牛魯人

宰子名予字子我魯人

冉子名求字子有魯人少孔子二十九歲

言子名偃字子游吳人（家語作魯人）少孔子四十五歲

顓孫子名師字子張陳人少孔子四十八歲

朱子名熹字元晦宋安徽婺源人年十四慨然有求道之志其爲學窮理以致其知返躬以踐其實而以居敬爲主嘗慮道統不明殫竭精力傳注諸經集諸儒之大成謚曰文世稱晦菴先生亦稱紫陽先生

東廡

公孫僑字子產鄭人穆公之孫

林放字子邱魯人

原憲字子思魯人（家語作宋人少孔子三十六歲）

南宮适（史記作括家語曲阜碑朱考俱作縉）字子容謚敬叔孟僖子之子懿子之兄居南宮因以爲氏

商瞿字子木魯人少孔子二十九歲孔子傳易於子木

漆雕開字子開魯人（家語曲阜碑朱考作蔡人字子若）少孔子十歲

司馬耕（家語作司馬黎耕）字子牛宋人桓魋之弟

## 感恩縣志

### 卷九

經政

釋奠考

### 四

海口海南書局承印

梁鱣（一作鯉）字叔魚（曲阜碑字子魚咸淳志字子免）齊人少孔子二十九歲

冉孺（曲阜碑作儒）字子魯（一作子曾）魯人少孔子四十六歲

伯虔（家語作伯處）字子析（家語作子哲曲阜碑作子哲）魯人少孔子五十歲

冉季字子產魯人

漆雕徒父（家語作從父）字子期（家語作子文史記作子有或云子友）魯人

漆雕哆字子叙（曲阜碑作子敏）魯人

公西赤字子華魯人少孔子四十二歲

任不齊字子選楚人（史記作魯人）

公良孺字子正陳人賢而有勇孔子周遊常以家車五乘從

公肩定（史記作堅）字子中（家語作子仲）魯人或曰晉人

鄭單（一作鄔單）字子家衛人家語不載

罕父黑字子索（家語作子墨）魯人

榮旂（家語作祈）字子祺（家語作子顏）魯人

左人郢（家語作左郢或曰左人複姓）字子行（宋高宗曲阜碑作子衡先賢像贊碑無子字）  
鄭國字子徒魯人家語云薛邦字徒史記作國避高祖諱也薛與鄭字誤耳  
原元字子杭（家語作原杭字子籍）魯人

廉潔（宋高宗先賢像贊碑潔無水旁）字子庸（家語作子曹宋高宗先賢像贊碑無子字）衛人

叔仲會字子期（史記作晉人）少孔子五十四歲與孔璇年相比二人迭侍孔子左右執筆記事

公西輿如（家語曲阜碑作公西輿）字子上齊人

邾異（家語作選）字子斂（家語作子飲）魯人

陳亢字子禽（家語又字子元）陳人少孔子四十歲（說文云論語有陳亢）

琴張（又名牢）字子開（家語云字子牢又字子張）衛人

步叔乘（本家語史記廣韻注作少叔乘朱考從之）字子車齊人

秦非字子之魯人（曲阜碑作秦人）

## 感恩縣志

### 卷九

經政

祀典

### 五

海口海南書局承印

顏噲字子聲魯人

顏何字子冉魯人北齊顏之推家訓云孔門升堂顏氏居八

縣亶字子象

牧皮與琴張曾皙爲友孔子之所謂狂也雍正二年復祀

樂正克魯人孟子弟子

萬章孟子弟子

周敦頤字茂叔宋道州營道人得不傳之學於遺經超然自契於天人性命一之統慮其失傳

著太極圖通書以綱紀而發明之大有功於學者謚曰元世稱濂溪先生

程顥字伯淳宋河南人少與弟頤師事周敦頤尋孔顏樂處充養有道粹面盎背以興起斯文

爲己任辨異端闢邪說使聖人之道煥然復明於世謚曰純世稱明道先生

邵雍字堯夫宋河南人德氣粹然清而不激和而不流汪洋浩博程顥稱爲內聖外王之學著

皇極經世觀物內外篇謚康節自稱安樂先生

東廡西向先儒三十四位

公羊高齊人周末受經於子夏作春秋公羊傳與穀梁赤左邱明齊名

伏勝字子賤山東濟南人爲秦博士漢文帝聞伏生能治尙書欲召之時伏生年已九十餘不能行乃詔鼂錯往受之

毛亨漢河間人其學術淵源出於卜子夏作詩訓詁以授子萇世稱爲大毛公

孔安國字子國漢兗州人孔子十一世孫少受尙書於伏生武帝時得壁中尙書皆科斗字乃以所聞于伏生者考論之定爲隸古字並序凡五十九篇上之司馬遷嘗從問古文尙書故史記所載尙書多古文說

后蒼字近君漢東海郟人通詩禮在曲臺校書說禮數萬言以授戴德戴聖號后蒼曲臺記

鄭玄字康成漢北海高密人嘗從馬融質諸經疑義歸融歎曰鄭生此去吾道東矣所箋注詩書易禮記儀禮論語孝經凡百餘萬言極爲洽熟有所統一後儒推爲東漢第一人

范甯字武子晉南陽順陽人時學者以虛浮相煽甯獨好儒學深痛斥之著春秋穀梁傳集解義最精審

陸贄字敬輿唐浙江嘉興人中宏辭拔萃科在朝論諫一本仁義胡寅推爲洙泗之徒所著奏

## 感恩縣志

### 卷九

經政

釋奠考

### 六

海口海南書局承印

疏剴切詳明謚曰宣

范仲淹字希文宋蘇州吳縣人少有大節於富貴貧賤毀譽欣戚無一動其心爲秀才時即以天下爲己任仁宗朝出將入相多社稷功先儒論宋朝人物以仲淹爲第一謚文正

歐陽修字永叔宋江西廬陵人文章德業天下欽仰著有易童子問詩經義新唐書五代史六一居士集行世蘇軾叙其文曰論道似韓愈論事似陸贄記事似司馬遷詩賦似李白謚文忠

司馬光字君實宋陝州夏縣涑水鄉人生平居處有法動作有禮誠心自然天下敬信於物淡無所好而學無所不通著資治通鑑三百二十四卷謚文正

謝良佐字顯道宋河南上蔡人爲學克己復禮日有課程其於大病所在孜孜去之尤力著有論語說行世謚文肅

呂大臨字與叔宋陝西藍田人學於程頤造詣深密燕居中必儼然危坐頤嘗窺之稱爲敦篤在程門與謝良佐游酢楊時號程門四先生

羅從彥字仲素宋南劍州沙縣人受業楊時得心傳之秘築室山中絕意仕進終日端坐充然

李綱字伯紀宋邵武人爲三朝賢相以身係社稷安危忠誠義氣懷然動乎遠邇朱熹稱爲一代偉人謚忠定

張栻字敬夫宋四川綿竹人少從胡寅問程氏學得孔門論仁親切之旨直以古聖賢自期奮勵甚力作希顏錄以自警所造益邃謚曰宣學者稱南軒先生

陸九淵字子靜宋江西金谿人其學務窮本原獨得於心有契於孟子最爲簡易直捷嘗講義利一章朱熹以爲切中學者之疾謚文安世稱象山先生

陳淳字安卿宋福建龍溪人少習舉業林宗臣以近思錄授之遂棄舊學受業朱熹恬退自守學益邃密多所著述學者稱北溪先生

眞德秀字希元福建浦城人自韓侂胄立僞學名以錮善類近時儒書皆顯禁之德秀晚出毅然以斯文自任講習服行黨禁既開正學遂明於後世著有大學衍義讀書記清源雜志諸書謚文忠學者稱西山先生

何基字子恭宋婺州金華人師事黃幹幹告以必有眞實心地刻苦工夫乃可學悚惕受命隨時體察確守師說精義深造約著大學中庸語孟太極通書西銘註釋謚文定世稱北山先

## 感恩縣志

### 卷九

經政

釋奠考

七

海口海南書局承印

生

文天祥字履善一字宋瑞號文山宋江西吉水人臨難從容義盡仁至居燕有詩數十百篇皆忠憤所感發正氣歌一篇猶爲慷慨所著者文集及書院講義皆印契程朱

趙復字仁甫宋江西德安人從姚樞至燕盡錄所記程朱諸書經傳以付樞又作傳道圖伊洛發揮希賢錄師友圖由是北方學者始知尊崇程朱世稱江漢先生

金履祥字吉父宋浙江蘭谿人北向濂洛之學又從王柏學同登何基之門造詣益邃絕意進取終日儼然接物盎然和懌著通鑑前編及大學論孟諸經傳各註疏授門人許謙謚文安世稱仁山先生

陳澠字可大宋江西都昌人潛心理學研究諸經精於戴記著禮記集說宋亡隱居教授學者稱雲莊先生又稱經歸先生

方孝孺字希直明初浙江甯海人少以明王道致太平爲己任屬文醇深雄邁人呼爲小韓子手列雜誡以自警靖難兵入成祖使草詔投筆於地慨然就死有侯城集行世謚文正

薛瑄字德溫明山西河津人少究心洛閩淵源至忘寢食其學一本程朱以復性爲主充養邃

密言動可法有讀書錄二十卷明易簡切皆自言其所得學者宗之謚文清世稱敬軒先生胡居仁字叔心明江西餘干人從吳與弼學以主忠信爲本求放心爲要嘗謂操而勿失莫大乎敬因以敬名齋著有進學箴居業錄敬齋錄而於佛老之辨猶詳謚文敬世稱敬齋先生羅欽順字允升明江西太和人潛心於格物致知之學專力於存心知性時天下言學不歸王守仁則歸湛若水獨守程朱不變者惟欽順與呂柟而已著有困知記謚文恭世稱整庵先生

呂柟字仲木明陝西高陵人嘗受業於薛敬齋接薛瑄之傳學以窮理實踐爲主終身無惰容多所著述謚文簡學者稱涇野先生

劉宗周字起東明末浙江山陰人學以誠意爲主以慎獨爲功清修篤行不愧衮影時王守仁致良知之學久傳而雜於禪乃獨憂之策證人書院集同人討論以救其失南都亡絕粒殉之著劉子全集人譜等書謚忠介學者稱念臺先生又稱蕺山先生

孫奇逢字鍾元一字啓泰明末直隸容城人其學初主陸王以慎獨爲宗以體認天理爲要以日用倫常爲實每晨起澄心端坐雖病無惰容晚更和通朱說著聖學錄理學宗傳中州人

## 感恩縣志

### 卷九

經政

釋奠考

八

海口海南書局承印

物考等書學者稱夏峯先生

黃宗羲字太冲浙江餘姚人少憤科舉之學錮人思所以變之從蕺山言學以濂洛之統綜會諸家而於歷學尤有神悟爲自來儒林所未有著有明夷待訪錄明儒學案律呂新義勾股圖說測圜要義等書凡四百八十二卷學者稱梨洲先生

張履祥字考夫浙江桐鄉楊園村人年五十讀近思錄作願學記甲申後隱約閭修益肆力於程朱之學一以躬行爲務平居方巾深衣端拱如泥塑有楊園全集行世學者稱楊園先生王夫之字而農號薑齋湖南衡陽人學以漢儒爲門戶以宋五子爲堂奧清初經學修明夫之實開其端著有周易稗疏考異春秋稗疏書經稗疏詩經稗疏考異四書稗疏考異大學中庸衍等書凡三百二十四卷學者稱船山先生

陸隴其字稼書浙江平湖人少卽勵志聖賢之學篤守程朱以居敬窮理爲主以明道覺世爲己任一言一行充養自然力闢王學學術爲之一振著有四書大全松陽講義困勉錄續錄等書謚清獻

張伯行字孝先號敬菴河南儀封人康熙乙丑成進士後讀小學近思錄乃恍然知入聖庭其

學以實踐爲主以力崇程朱爲己任輯道學源流道統錄以明聖學宗傳輯伊洛淵源錄續錄以明諸儒統緒他如小學衍義理學正宗續近思錄廣近思錄濂洛關閩集解（名後四書）困學錄續錄等書皆能發明斯道有功於學者謚清恪

### 西廡

蘧子瑗字伯玉衛人

澹臺滅明字子羽武城人少孔子三十九歲

宓不齊字子賤魯人少孔子四十九歲（宓同伏）伏生其後也有宓子著書十六篇爲單父宰

### 鳴琴而治

公冶長（家語云名萇范甯云名芝）字子長（曲阜碑作子之）齊人（家語云魯人朱考同）

公皙哀（家語作公皙克）字季次齊人（家語作魯人）

高柴字子羔（史記作子臯）衛人（家語作齊人朱考云齊人爲衛士師）

樊須字子遲齊人（家語朱考俱作魯人）少孔子三十六歲

商澤字子季（家語作子秀）魯人

## 感恩縣志

### 卷九

經政

釋奠考

### 九

海口海南書局承印

巫馬施字子旗（曲阜碑朱考家語俱作子期）魯人少孔子三十歲

顏辛（史記宋高宗先賢像贊碑俱作顏幸）字子柳魯人少孔子四十六歲

曹卹字子循蔡人少孔子五十歲

公孫龍字子石楚人（家語作衛人鄭注孟子注作趙人）

秦商字子不楚人（家語作魯人字丕茲）少孔子四歲其父秦父與孔子父俱以力聞然相尙

### 以德

顏高（家語名產）字子驕孔子在衛南子招孔子爲次乘顏高爲御

壤駟赤（或曰壤駟複姓）字子徒（家語作子從）秦人

石作蜀（家語作子蜀或曰石作複姓）字子明秦人（史記鄭註作成紀人）

公首夏（家語作公夏首）字子乘魯人

后處（家語作石處）字子里（家語作里之）齊人

奚容蒧字子皙（家語作奚蒧字子偕）魯人（史記正義作衛人）

顏祖（家語作顏相）字子襄魯人

句井疆字子野（家語作句井疆字子界山東志作子孟作又子彊）

秦祖字子南秦人

縣成字子祺（家語作子橫隸續作子期）魯人

公祖句（句一作鈞家語作公祖茲）字子之魯人

燕伋字思（家語燕伋字子思）秦人

樂欬（一作欬家語作欣）字子聲魯人

狄黑字皙（曲阜碑朱考俱作子皙）衛人（曲阜碑作魯人）

孔忠（家語作孔弗）字子蔑魯人孔子兄孟皮之子

公西蒧字上（家語作子上）魯人

顏之僕字叔（家語曲阜碑朱考俱作子叔）魯人

施之常字子桓（家語作子常）魯人

申枏字子續魯人（史記曲阜碑又有申黨家語作申續史記正義云或作棠卽申枏朱考亦

作棠家語曲阜碑云字子周宋像續碑云字周魯人按申枏字子續申黨字子周家語但有

## 感恩縣志

### 卷九

經政

釋奠考

### 十

海口海南書局承印

申續字子周而無申枏隸續云申枏史記作申棠家語作申續是申枏申黨子續子周實皆一人矣又按後漢王政碑云有羔羊之絜無申棠之欲是又申枏卽申棠之證此前明之所  
以去黨存枏也）

左邱明魯之太史（或云楚左史倚相之後）孔子將修春秋與左邱明乘如周觀書於周史歸  
而作春秋之經邱明爲之傳

秦冉字開（曲阜碑朱考俱作子開）蔡人

公明儀魯人

公都子孟子弟子

公孫丑齊人孟子弟子

張載字子厚宋長安人志道甚精無須臾息亦無須臾忘以易爲宗以中庸爲體以孔孟爲法  
所著西銘明理一分殊之旨程顥稱爲與孟子性善養氣之論同功謚曰明世稱橫渠先生  
程頤字正叔顥之弟爲學一本乎誠以學庸論孟爲標準而達於六經動上語默一以聖人爲  
師不至聖人不止著有易傳春秋謚曰正世稱伊川先生

西廡東向先儒三十六位

穀梁赤字元始魯人授春秋於子夏作春秋傳以羽翼麟經

高堂生魯人齊公族漢初博士禮經自孔子時已不具及秦焚書散亡益多惟高堂生能言士禮七十篇（即今文禮儀）以授蕭奮傳至大小戴而禮儀復明

董仲舒字寬夫漢廣川人少治春秋下帷發憤三年不窺園進退容止非禮不動推崇孔孟百家邪說始息著有春秋繁露

劉德漢景帝子封河間王修學好古實事求是被服造次必於仁義以金帛招求四方善書所得皆古文先秦舊書周官尙書禮記孟子毛氏左氏春秋之屬采禮樂古事增輯至百餘篇

謚曰獻

毛萇字長公又字默亨之子受詩於父解經最近古著有毛詩故訓二十卷詩傳十卷世稱爲小毛公

杜子春字時元漢河間郡人通周禮以授鄭衆賈逵

許慎字叔重漢汝南召陵人少博通經籍撰五經異義又作說文解字十四篇

感恩縣志

卷九

經政

釋奠考

十一

海口海南書局承印

諸葛亮字孔明後漢琅琊人靜以修身平以秤物爲相時開誠布公鞠躬盡瘁胡安國論古人以亮爲首謂行必法之著作牧權制二十四篇謚忠武

王通字仲淹北朝河東龍門人續詩書著禮樂贊易道修元經號土氏六經又依家語法言作主客答問隱居河汾教授薛收李靖魏徵皆出其門世號文中子

韓愈字退之唐昌黎人（一作澄州南陽人）爲文粹然一出於正闡明性道輔翼六經力闢異端著原道原性師說諸篇與孟子楊雄相表裏謚曰文學者尊之如泰山北斗

胡瑗字翼之宋泰州海陵人少即以聖賢自期教授湖州嚴條教以身先之雖大暑必公服終日設經義治事二齋分課明聖人體用以爲政教之本慶歷中興太學取其法爲令著有資聖集言行錄等書謚安定

韓琦字稚圭宋泰州海陵人爲三朝賢相元勳盛德宋代無雙程顥稱爲間氣謚忠獻

楊時字子立宋南劍州將樂人聞程顥講學潁昌調官不赴以師禮見顥及歸顥曰吾道南矣顥卒又事頤得程氏正宗晚年德望益重謚謚文學者稱龜山先生

游酢字定夫宋福建建陽人在程門與楊時齊名稱游楊德器粹然造道深邃程頤稱爲畏友

朱熹亦謂其清德重望皎如日星雖奴隸亦皆知之著有中庸論孟說垂於世世稱薦山先生

尹焞字產明一字德充宋河南洛陽人師事程頤其學要有三一玩味二涵養三踐履自誠而明德備中和言動可以師法著有論語解門人答問傳於世學者稱和靖先生

胡安國字康侯宋福建崇安人強學九行以聖人爲標的王安石廢春秋歎曰此聖人傳心要典也乃潛心是書作春秋傳又著資治通鑑舉要補遺一百卷謚文安

李侗字愿中宋劍浦人受業羅從彥得河洛之學傳之朱熹熹嘗稱其姿稟特勁氣節豪邁而充養完粹無復圭角精純之氣達於面目色溫言厲神定氣和語默動靜端詳閑泰自然之中若有成法著有延平問答及語錄行世謚文靖學者稱延平先生

呂祖謙字伯恭宋河南開封人學以閩洛爲宗旁稽載籍不見涯涘少褊急一日讀躬自厚而薄責於人忽覺平時忿懣渙然冰釋朱熹嘗言學如伯恭方是能變化氣質著有考定古周易春秋博議等書謚忠亮（初謚曰成）學者稱東萊先生

袁燮字和叔宋浙江鄞縣人師事陸九淵與楊簡沈煥等以道義相切磨發明本心之旨教人

## 感恩縣志

### 卷九

經政

釋奠考

### 十二

海口海南書局承印

迪以反躬切己忠信篤實是爲道本謚正獻學者稱潔齋先生

黃幹字直卿宋福建閩縣人爲學志堅思苦初見朱熹夜不設榻不解帶於師傳存心致知之學身體之無遺力熹病革以深衣及所著書授之曰吾道之託在此吾無憾矣謚文肅世稱勉齋先生

輔廣字漠卿號潛菴宋浙江崇德人師事朱熹最久深造自得於答問之際附僞學禁興學者多解散廣獨不爲動歸隱著五經注釋四書纂疏詩童子問等書發明師旨學者稱傳貽先生

蔡沈字仲默宋福建建陽人元定仲子少從朱熹遊受師父之託作書傳發明先儒所未及隱居九峯屏棄舉業一以聖賢爲師謚文正世稱九峯先生

魏了翁字華父宋四川蒲江人受業輔廣篤守正學淡然無營著九經要義百卷訂定精密先儒未有謚文靖學者稱鶴山先生

王柏字會之宋浙江金華人求道甚勇嘗著論語通旨至居處恭執事敬惕然以主敬自持師事何基基復授以立志居敬之旨作魯齋箴勉之得朱之傳著有讀易記禮記太極衍義伊

洛精義等書謚文憲世稱魯齋先生

陸秀夫字君實宋末江蘇鹽城人性沉靜終日衿莊坐宋末播越海濱儼然正笏如立治朝日書大學章句勸講厓山破負帝赴海死

許衡字平仲元初河南懷慶人嘗從姚樞得程朱書慨然以道爲己任身體力行一言一動必揆諸義而後發謚文正世稱魯齋先生

吳澄字幼清元江西崇仁人少即以斯文爲己任正坐端拱氣融神邁於詩書易禮春秋各有纂言謚文正學者稱草廬先生

許謙字益之元浙江金華人受業於金履祥承朱子之統緒置自省編畫爲夜書制行甚嚴功無間斷著有四書叢說讀書傳叢說等書謚文懿學者稱白雲先生

曹端字正夫明河南澠池人篤尙理學專靜研究座下著足處兩輒皆穿法言矩行一毫不苟爲紫陽正派著有四書詳說孝經述解等書謚靖修（一作文靖）學者稱月川先生

陳獻章字公甫明廣東新會人其學以靜爲主從吳與弼歸築陽春臺靜坐其中灑然自得有鳶飛魚躍之樂蘭谿姜麟一見以爲活孟子謚文恭學者稱白沙先生

感恩縣志

卷九

經政

釋奠考

十三

海口海南書局承印

蔡清字介夫明福建晉江人其學初主靜後主虛故以虛名齋著密箴五十條書置臥處以自省明經博學不愧衮影著易經四書蒙引進於朝謚文莊世稱虛齋先生

王守仁字伯安明浙江餘姚人其學自求諸心上宗陸子溯源孟氏以致良知爲教天下靡然從之功業文章足以名世謚文成學者稱陽明先生

呂坤字叔簡明河南寧陵人年十五讀性理書欣然有得作夜氣鈔取日新之義自號新吾踐履篤實不侈語精微虛談高遠絕無朱陸末流放浪迂腐之病著心記道脈圖四體翼去僞齋集實改錄世稱新吾先生

黃道周字幼平明末福建漳浦人文章風節高天下以明道翼經爲己仕其學以格致爲宗而歸宿於至善所至學者雲集婺源戰敗及於難謚忠端學者稱石齋先生

陸世儀字道威清初太倉州人少卽篤志聖賢恪守程朱講明實用倣先儒讀書記法俛讀仰思有所見則疾書以徵學問進退所著思辨錄外有考德錄先儒語錄集成明儒語錄集成等書學者稱桴亭先生

顧炎武字甯人江蘇崑山人平生留心經世學晚益篤志六經論學以禮爲宗以經爲本謂君

子爲學舍禮何由舍經學言理學則墮於禪著有天下郡國利病書日知錄二十卷世稱亭林先生

湯斌字孔伯河南睢州人師事孫奇逢講陽明之學而事事必求實用以居敬窮理與諸儒相發明猶以門戶爲戒與陸隴其俱號純儒著有洛學編潛菴語錄謚文正世稱潛菴先生

### 崇聖祠

肇聖王木金父位正中南向

裕聖王祈父位東一室南向

貽聖王防叔位西一室南向

昌聖王伯夏位東二室南向

啓聖王叔梁紇位西二室南向

### 東配西向先賢

孔孟皮孔子兄

顏無繇字路（曲阜碑字子路）顏淵之父孔子始教於闕里而受學焉少孔子六歲

## 感恩縣志

### 卷九

經政

釋奠考

### 十四

海口海南書局承印

孔鯉字伯魚子思之父生於昭公九年既長昭公以幣聘之稱疾不行

### 西配東向先賢

曾點（宋高宗先賢像贊碑作箴）字子皙曾參之父與由求赤言志孔子善焉

孟孫氏名激孟軻之父

### 東列西向從祀先儒

周輔成周敦頤之父

程珦程顥程頤之父

蔡元定字季通蔡沈之父學者稱西山先生

### 西列東向從祀先儒

張廸張載之父

朱松字喬年朱熹之父究心河洛宗旨成大儒嘗謂褊急害道因取佩韋之義號曰韋齋

改祀於鄉三人（明嘉靖九年改祀於鄉七人雍正二年復祀蘧瑗林放鄭康成范甯）

鄭 衆字仲師東漢開封人杜子春弟子著春秋難記條例周禮註

盧植字子翰東漢蜀郡人  
服虔字子慎東漢滎陽人

罷祀十二人（明洪武二十九年嘉靖九年二次共罷祀十五人今雍正二年復秦冉顏何  
乾隆三年復吳澄）

公伯寮字子周魯人以愬子路罷

申黨漢包成論語註謂黨根俱一人故罷黨而祀根

荀况字卿周末趙人爲楚蘭陵令以言性惡罷

楊雄字子雲漢成都人以爲王莽大夫罷

戴聖字次君漢梁人以賊吏罷

劉向字子政漢宗室以進神仙方術書且懷冀進之心而罷

賈逵字景伯東漢扶風人以附會圖讖不修小節取譏當世而罷

馬融字季東漢扶風人以依附梁冀奢樂恣性罷

何休字邵公東漢任城人以註風角等書流於讖緯之學而罷

### 感恩縣志

### 卷九

經政

釋奠考

### 十五

海口海南書局承印

王肅字子雍魏東海郟人以爲司馬師畫策篡魏而罷

王弼字輔嗣魏山陽人以註易宗旨老莊罷

杜預字元凱晉杜陵人以建短喪罷

### 名宦祠祀歷代名宦二十七人

佟養甲

孔毓珣

楊宗仁

張仲德

周鳴鑾

楊鳳朝

秦中權

項邦柱

龐麟

朱景和

黃道充

宋德盛

鍾麟郊

謝錫履

姜焯

梅本深

江炯

饒慶捷

時侍朝

蔡光岱

劉勳

李光宇

李熙

盧芳林

### 鄉賢祠祀歷代鄉賢一十六人

符希曾

張子辛

張太和

鄭時敦

蘇維聖  
府志  
繼聖誤作

王錫之

符一鶚

陳峻琚

楊名彰

林之豪

高仰之

吳廷瑚

蘇翹新

王璣琳

符緒

張文昭

感恩縣志

卷九

經政

釋奠考

十六

海口海南書局承印